

大學衍義

一
卷
五
冊

大學衍義卷之十五

格物致知之要二

辨人材

聖賢觀人之法

堯典帝曰疇咨若時登庸

疇誰也咨訪問也若放齊

放齊

曰臣名胤子朱啟明

胤子朱堯之嗣子丹朱也啟明

曰吁

吁者歎其不然之辭

嚚訟可乎

嚚謂口不道忠信之言訟爭辯也可乎言不可用也

帝曰疇咨若予采

采事也

驩兜曰都

驩兜臣名四凶之一也都美也

工方鳩僝功

共工官名世是官者亦四凶之一也鳩聚也僝見也言共工方且鳩聚而見其功

也帝曰吁靜言庸違

靜謂無事之時庸謂有事之際無事則能言用之則違背也

象恭滔天

象似也言貌恭而心不然也滔漫也言其中心之惡浩瀚而無極也

帝曰咨

四岳

四岳官名一人而總四岳諸侯之事者

湯湯洪水方割

湯湯水盛貌洪大也

割害也

蕩蕩懷山襄陵

蕩蕩廣也懷包也襄駕出其上也大阜曰陵

浩浩滔

天

浩浩大貌滔天言其勢大若漫天也

下民其咨

咨怨也

有能俾乂

俾使也言

有能使治此水者

兪曰

兪眾共之辭四岳與其所領諸侯之在朝者同辭而對也

於鯀哉

於美也鯀崇伯名亦四凶之一

帝曰吁咈哉

咈甚不

方命圯族

方命者逆

上之命也圯敗也族類也言鯀之為人悖戾自用不從上令與眾不和傷敗族類也

岳曰異哉

試可乃已

異舉也言舉而試之可以治水乃已勿求其他也

帝曰往欽哉

帝

眾言令往治水敬其事也

九載績用弗成

唐虞之時三載一考績九載三考也績功也

帝曰咨四岳朕在位七十載

堯以十六年即位時年八十六矣

汝能

庸命巽朕位

巽遜同

岳曰否德忝帝位

否德不德也忝辱也

曰明

明揚側陋

上明謂明顯之下明謂已在顯位者揚舉也側陋微賤之人也言惟德是舉不拘貴

賤也師錫帝曰

師眾也錫與也

有鰥在下曰虞舜

鰥無妻之名虞氏舜名也

帝曰兪

兪然也

子聞如何

言我亦聞此人也如何者復問其德之詳也

岳曰

瞽子

言舜乃瞽者之子

父頑

心不則德義之經為頑

母嚚

母舜後母也嚚義見上

象傲

象舜異母弟傲驕傲也

克諧以孝

諧和也

烝烝乂不格姦

說見

前帝曰我其試哉女于時

女以女與人也

觀厥刑于二女

謂觀

其所以刑于家者如何也

釐降二女于嬀汭

釐理也降下也嬀水名汭水之內也舜所

居之

嬀于虞

嬀婦也使為婦于虞氏之家也

帝曰欽哉

此戒二女之辭使敬其為

也

臣按帝堯始問若時登庸之人而放齊以胤子
朱對又問若采之人而驩兜以其工對又問可
以治水之人而四岳以鯀對丹朱之慢遊傲虐
與其鯀之凶此不當舉而舉之者也後問可以
異位之人而四岳以舜對此當舉而舉之者也
堯於其不當舉者則吁而歎之於朱知其歸訟
於共工知其靜言庸違於鯀知其方命圯族而
於其當舉者則俞而然之既問其爲人又妻以
二女方放齊驩兜之舉何異後世庸闇之朝姦
邪小人自相汲引者惟堯之明德如日中天萬

象畢照片言之發洞中隱微有不能以遁者此
其所以爲聖歟然於朱於共王則不用而於鯀
則用之者蓋前二者輔相之任所貴者德此則
治水之任所取者才鯀雖很懷自用而以治水
言之則未有過之者故卒從眾言而命之此又
可見聖人雖智周萬物而不自用其智也至於
舜在側微潛德隱行何由徹於廟堂之上而岳
言一發堯卽然之曰吾固聞之矣然必問其德
之詳而以二女試之又可見聖人之明雖足以
知之然猶考諸眾言之公試以行事之實故無

後世徇名之弊而有爲天下得人之功雖然人
主欲以堯爲法將何所用力哉曰明其德而已
蓋堯之知人不可學而能堯之明德可以學而
至格物致知於天下之理無所疑勝私窒欲於
天下之物無所蔽此所以明其德也明其德者
知人之本也有天下者可不勉諸

臯陶曰都在知人在安民禹曰吁咸若時惟帝其難

之

咸皆也若如也時是也言皆如所言
雖帝堯亦以爲難故先歎而後言也

知人則哲能

官人

哲智也

安民則惠

惠愛也

黎民懷之

懷謂心服也

能哲而

惠何憂乎驩兜

四凶之一

何遷乎有苗

遷徙也三苗之君
昏迷不恭者也

何畏乎巧言令色孔壬

巧好也令善也孔甚也壬者包藏姦慝之意說者謂指共

工而言四凶不言

縣者禹為親者諱皐陶曰都亦行有九德亦言其人

有德乃言曰載采采

載行也采事也

禹曰何

問如何謂之九德也

皐陶

曰寬而栗

寬洪而莊栗

柔而立

柔順而有植立

愿而恭

愿慤而溫恭

亂

而敬

有治亂之才能敬

擾而毅

擾順也順而果毅

直而溫

正直而溫

簡

而廉

簡約而廉隅

剛而塞

塞實也剛健而篤實

彊而義

堅彊而能合義

彰厥

有常吉哉

彰顯也久而不變曰常吉猶善也

曰宣三德

宣達也

夙夜浚

明有家

浚治也家謂大夫

曰嚴祗敬六德亮采有邦

亮明也采事也

有邦謂諸侯

翕受敷施

翕合也

九德咸事

咸皆也

俊乂在官

俊賢

也有治人之才曰父

百僚師師百工惟時

僚工皆官也僚以人言工以事言師師謂

更相師法惟時言百
工之事各得其時
土寄旺
於四季

庶績其凝

庶眾也績功也凝者成而堅定之意

撫于五辰

撫順也五辰四時也木火金水旺於四時

臣按臯陶陳謨于舜以知人安民爲要禹謂二
者雖帝堯且猶難之蓋知人者智之事也安民
者仁之事也知人則官得其職安民則民懷其
惠合智與仁二者兼盡則雖有姦邪小人不足
畏矣凡姦邪之所以害事者以人君不知其爲
姦邪也苟誠知之雖驩兜未放有苗未竄共工
未流彼安能肆其惡哉故深歎其難而不敢易
也臯陶則曰知人誠非易事然亦不過以德求

之而已有德則爲君子無德則爲小人此知人之要也人之行凡有九德言人之有德者必觀其行事如何蓋德者事之本事者德之施徒曰有德而不見之事則德爲虛言矣此又知人之要也自寬而栗而下其目凡九或以剛濟柔或以柔濟剛渾全而無偏弊然後爲成德觀其德之成與否而人才之優劣判矣此又知人之要也先儒謂自寬至強皆所稟之性自栗至義乃學問之力此說得之然有德者又貴乎常而不變若勉於暫不能持之久亦不足以言德矣故

孔子曰人而無恆不可以作巫醫人君能顯用有常之士則爲國之福故曰彰厥有常吉哉以常與不常觀之其有常者爲君子不能常者爲小人是又知人之要也然人之於九德不能皆全或有其三或有其六惟上所用爾有三德者曰宣達之無使沈滯則其人朝夕浚治而光明可任大夫之職矣有六德者曰尊嚴而祇敬之無或慢忽則其人精明通達可任諸侯之職矣天下未嘗無才上之人有以淬勵興起之則下亦澡雪精神以應其求不然則頽靡昏惰安得

有浚明亮采之氣象邪然三德之爲大夫六德
之爲諸侯亦言其大法爾非必以數拘也天子
者一世人才之宗主也九德之中苟有其一皆
當兼收竝蓄分布而用之使各隨所長而施於
事則百官皆賢而互相觀法百工皆治而不失
其時矣夫五辰在天而此以撫言者天人一本
人事順則天道亦順也疑者疑定堅久之謂成
功非難而堅久爲難惟眾賢畢用百職具脩則
其功可以堅久矣九德之名自皐陶始其後周
公告成王亦欲其迪知忱恂于九德之行蓋古

之論人者必貴於有德後世之主或以材能取人而不稽諸德行故有才無德之小人得以自售其不敗事者幾希臯陶之言真萬世知人之法也

子曰視其所以所以所觀其所由所由所察其所安所安所人焉廋哉廋隱也

臣按此聖門觀人之法也凡人所爲皆有偶合於善者必觀其所從來其爲義邪爲利邪若其本心實主於義則其善出於誠可以爲善矣若其本心實主於利則其善也非出於誠又安得

爲善乎然有所從雖善而非其心之所安者苟
未能安焉則富貴可以淫貧賤可以移威武可
以屈不能保其常不變也然則若之何爲安曰
猶水之寒猶火之熱自然而不可易猶飢之食
猶渴之飲必然而不可已夫然後謂之安夫以
孔子之聖其於人也以視爲未足而復觀之以
觀爲未足而復察之然後人之情僞不得而隱
況聖未如孔子者可以知人爲易乎雖然視也
觀也察也出於我者也苟我之心未能至公而
無私至明而不惑其於人之情僞焉能有見乎

以人君言之一身而照臨百官正邪忠佞雜然
吾前豈易辨哉必也清其天君如鑑之明如水
之止以爲臨下燭物之本然後於人之所由所
安庶乎其得之矣此又人君所當知也

子曰人之過也各於其黨

黨類也

觀過斯知仁矣

過謂失誤也

也仁謂本心之德也

臣按此亦聖門觀人之法先儒以爲人之過也
各於其類君子常失於厚小人常失於薄君子
過於愛小人過於忍以此觀之則人之仁不仁
可知矣若夫爲人君者尤當因臣下之過而察

其心如愛君而極諫不無狂訐之過要其用心
非仁乎取其仁而略其過可也愛民而違命不
無矯拂之過要其用心非仁乎取其仁而略其
過可也若姦邪之臣巧於揜覆未必有過之可
指然其心何如哉凡此皆觀人之一端以類求
之莫不然也

子曰始吾於人也聽其言而信其行今吾於人也聽
其言而觀其行於予與改是

臣按此因宰予晝寢而言蓋予之爲人能言而
行不逮故孔子自謂始也聽人之言卽信其行

今也聽人之言必觀其行蓋因子而改此失也
家語亦曰以言取人失之宰予夫以孔子之於
門人高弟朝夕與處其正邪賢否安能逃聖鑒
哉猶必觀其行而後誠僞可見況人君之尊其
與臣下接固有時矣而欲以一應對之頃察知
其心術不亦難哉故敷奏必以言而明試必以
功此自堯舜以來不易之法也夫巧言如簧詩
人刺之利口覆邦聖人所惡有言者不必有德
而佞者不知其仁故漢文悅嗇夫之對拜爲上
林令而張釋之爭之以爲絳侯周勃東陽侯張相如